

學佛考訓

C40
4514
(262)

C40-4514

了翁上座請天意及有
家書異之劉崇山
我從笑瑤亮虛席中永
為學者不敢許出院內
當山二世鐵牛機謹誌



B 64853

學佛考訓序

讀書難讀佛書尤難不博通不旁覽遂呶呶于是非
得失之間蓋鮮有合也佷亭和尚于學無不窺著書
滿家已卓卓自命矣雖然猶有慮今所稱禪學者皆
闇於綠字赤文者也經生之家守其師說又不習禪
典奈何於是取三古以來百世而上華梵語言及其
行事探逸集微判爲十部碎金積玉一無所遺大要
足以贊空王延慧命扶庶類正人倫一覽之間儒佛
畢備矣佷和尚之心何其廣且大也息波道人見而
善之充厥篇章要爲詮次用投貝葉之林將補貫華

支那


學佛考訓序

撰述

高僧考訓

之義余歡喜踊躍敬題其首

康熙九年佛誕日禹航同學弟嚴沆拜書



學佛考訓卷一

錢唐俚亭和尚澗挺緝
秀州息波道人成源訂

梵述

周書異紀首識金人竺國高僧共傳碧眼聿尋康
會之班為徵華梵之合

輟耕錄云京師梅檀像頗著靈異故老相傳其像四
體無所倚著人君有道則至其國學士程鉅夫瑞像
殿碑亦云佛升叨利天為母說法優填國王乃刻梅
檀為像蓋日連以神力揖三十二匠升叨利諦觀相

支那

學佛考訓卷一

撰述
好乃成也及佛來歸梅檀步空向佛作禮佛爲摩頂
授記曰我滅度後汝從震旦廣利人天繇是從西土
至龜茲入涼州抵長安江南汴梁北至燕京居聖安
寺自優填造像至延祐丙辰凡二千二百有七年屢
著神異

周書異記云穆王五十二年二月十五日天沸星出
不雲而兩山吼波逆塵刹大震暴風忽起西方有白
虹十二道南北通過此時佛涅槃也涅槃在跋提河
畔娑羅林中

四明阿育王塔晉太康三年從地湧出露盤五層中

懸小鐘舍利綴於鐘下圓轉不定或作葡萄色或如
金蓮花或如車輪五色變幻光彩映人非常有也按
釋鑑周共和九年東天竺國阿育王盡收西域諸塔
及龍宮舍利夜役鬼神碎七寶末造八萬四千寶塔
命耶舍尊者舒指放光八萬四千道一光盡處安置
一塔遍娑婆界在此震旦國者一十九所四明其一
也

佛國記云摩竭提國是阿育王所治城中宮殿皆鬼
神作非世所造

佛國記云那竭國城東北有佛錫杖牛頭梅檀所成

長丈六七許正復千百人舉不能動

廣弘明集云瑜珈之建寶塔百鬼助以日工雀離之起浮圖四王扶其夜力按雀離塔在犍馱國高七十七丈周三百步王修浮圖工木旣訖有鐵柱無能上者王乃燒香散花感四王天來助一舉便到塔內事物咸是金玉旭日始開則金盤晃朗微風漸發則寶鐸和鳴西域浮圖此爲第一伽藍記云此浮圖天火七燒佛法當滅

寶康初道安至襄陽立寺建浮圖鑄銅像能起自行光明燭天又秦王苻堅送外國金像彌勒至道安所光嘗照室以頂舍利也

太康中朱士衡得梵本道行經時于闐國王積火焚之火滅經存色夏鮮彩士衡許州人黃初間棄俗出家爲此土沙門講經之始

僧會者康居國丞相子也出家遊行入中國至吳結苾行道吳帝延見言佛舍利甚異帝因設瓶嘿禱求驗經七日鏘然有聲光明錯發帝與公卿聚觀因建塔於建業佛佗里寺名建初時赤烏四年也

吳帝問僧會曰佛教所明善惡報應何者是耶對曰明主以孝慈訓世則赤烏翔而老人星見仁德育物

則醴泉湧而嘉苗生善應以瑞惡亦有報帝悅奉會
爲師

永和有金像現於荊州大司馬桓溫迎之不動時
江陵滕峻捨宅爲寺命法師曇翼主之翼率衆往迎
飄然輕舉奉安本寺

曇翼曇彥號二曇住法華山翼生腋下有毳毛三莖
故名翼先是餘杭沙門法志誦法華經塔下有雉馴
聽凡七年化去志夢童子來謝曰因聽大經得離羽
族今生前山王氏爲兒志至其家果驗視腋下有毳
因携出俗後入廬山依遠公復往關中見羅什東還

會稽隱秦望山誦法華經以老彥亦負時望相傳爲

許詢後身壽一百二十歲

曇翼誦法華經十二年一夕忽有女子身披彩服手
牽白豕至曰入山採薇迫日已暮豺獸縱橫敢托一
宿翼力却之女哀鳴不已令居草牀夜半號呼腹痛
甚急告翼按摩翼辭以持戒女呼愈甚翼乃以布裹
錫遙按之翌日女化祥雲有白豕雙蓮凌空而去語
翼曰我晉賢大士來試汝耳郡守孟顛聞於朝建法
華寺紀其異

晉沙門帛法橋誦經之聲禱大士者七晝夜豁然通

利自是諷詠聲徹里門

晉沙門竺道猷初止剡山後移赤城羣虎蹲前猷誦經一虎竟睡猷以如意扣之云何不聽經經畢虎去又坐禪石室有大蛇十圍環遶猷不爲動一日見男子前來曰弟子夏帝之子居此二千餘年今往寒石山輒推室以相奉乃鳴鞞凌雲而去蓋卽前大蛇也晉建興中有石佛二浮海來入吳松江道俗爭迎不能致有朱膺者奉佛素謹往迎之其輕如羽奉安通玄寺其一維衛佛其一迦葉佛也

習鑿齒嘗詣道安自稱曰四海習鑿齒安對曰彌天

釋道安兩人因相得甚歡習遺書謝東山有云若安者非常勝士恨公不一見耳

符堅時藍田得古鼎容二十有七斛朝士無識之者以問道安安曰魯襄公所鑄也腹有篆文果信由是堅勅三館學士皆師於安國人語曰學不師安義不

禁難

天竺沙門真諦嘗譯起信俱舍等論往來河渚間以坐具敷水面跏趺其上或折荷葉而濟時人奇之每圖像爭相奉祀

尸黎蜜多羅尊者天竺國太子也讓王位出俗至建

康丞相王導見之曰此我輩人也太尉庾亮光祿周顛廷尉桓彝一時名公皆造門結友時呼爲高座法師善梵唄清響凌雲孔雀諸經皆其所譯

佛馱耶舍天竺國人也善毗婆沙論而髡赤因號赤髡毗婆沙至長安秦主郊迎供設如王者師一無所受時至分衛一食而已

佛馱耶舍遊匡山爲遠公所重嘗負鐵建塔於紫霄峯頂奉安舍利

慧持廬山遠公弟也晉隆安中辭遠公入蜀止嘉州龍淵寺義熙八年垂誠門徒入定龕樹至宋徽宗政

和三年風折其樹持乃出定

鳩摩羅什父羅炎天竺人也龜茲國王聞其名請爲國師王有妹遂逼妻焉生羅什什在胎其母慧解異常因名羅什此言童壽云

杯渡在彭城聞羅什入關嘆曰吾與此子戲別三百年矣相見杳然遲於來世耳什在秦九年而卒闍維舌根不壞

羅什嘗與母謁北山尊者尊者謂其母曰善護此沙彌年三十五毘尼無缺度人如優波鞠多不爾正俊法師耳

僧肇幼家貧爲人傭書遂博觀子史尤善老莊年二十爲沙門三十二而卒詮定經論學者輻輳設難交攻並迎刃而解

杯渡行於路携一蘆圈中有四小兒長數寸眉目如畫杯渡語人曰此四天王也童子時時見之

支謙字恭明月氏人初遊雒邑受學於支亮亮受學於支讖世稱天下博知不出三支謙博覽經藉爲人細長黑瘦眼多白而睛黃時人語曰支郎眼中黃身雖細是智囊後避地歸吳吳主拜爲博士嘗譯經一百二十九部

道寶王丞相茂弘弟也辭榮爲僧以學行顯

佛圖澄天竺國人也永嘉四年至雒陽已百餘歲服氣自養積日不食善誦呪役使鬼神腹旁有孔以綿塞之夜則出光自照每臨水從孔出腸胃洗濯還納腹中雒陽寇亂潛伏草野石勒屯葛陂杖錫往見取水呪之俄青蓮華生鉢內勒子斌旣死澄以楊枝洒之復活益著竒迹壽一百七十度弟子道安等七千餘人

佛馱跋陀罽賓國人也秦太子姚泓延入東宮與羅什辯法旣渡江至匡山見遠公論義遠高之

道安法師依陸渾山木食澗飲武帝立檀溪寺居之
秦堅破襄陽奉師以去謂左右曰吾以十萬師取襄
陽得一人半耳左右問爲誰堅曰安公一人習鑿齒
半人也師左臂有肉隆起方寸如印號印手菩薩然
貌寢時語曰漆道人驚四鄰

太元中道安入寂時西北雲開見樓閣幻出有異僧
出入隙中指曰彼兜率天也

傅大士名翕字玄風號善慧結庵雙樹因號雙林大
士種植蔬果爲人傭作與妻妙光子普建普成共衍
佛法嘗謂其子曰我從第四天來出生於此

寶誌公不知何所出東陽朱氏婦聞兕啼鷹巢中舉
以爲子故手足皆鷹爪也七歲依鍾山僧出家多顯
神異常以剪尺拂扇掛杖頭負之行聚落蓋齊梁之
識云

誌公嘗食鱸旋吐水中皆活洒然而去

智者國師姓樓名惠約婺州人也梁武帝時召見等
覺殿忽合掌入玻璃瓶中結跏趺坐少遷化五色雲
臺而出帝北面頂禮受戒

普通初僧稠住王屋山聞兩虎交鬪以錫杖中解各
散去

達禪師得水觀三昧每入此定有窺之者惟見清水
凝滄蒲室沙門道僊從達遊得火光三昧所居之室
玄夜朗照

慧約法師梁武嘗從受戒羯磨日甘露霄降孔雀來
馴得戒者四萬八千人及約示寂所乘青牛爲之垂
涕雙鶴悲鳴彌月而去

白足沙門名曇始一名惠始清河張氏子也白足跣
行泥滓不染故名赫連屈丐取長安道俗被戮而始
接亦無傷屈丐怒召始於前以短刀自擊之竟不能
害

魏太武旣誅沙門盡毀經像白足謁太武武怒命斬
之不能傷又自抽佩刀擊之亦不能入投諸虎檻虎
皆弭服武驚延師上殿悔謝飯敬

周武將滅佛法有僧靜藹上書力諍不得遂歸太乙
山勅遣侍者跏坐磐石自割身肉五臟皆外見手足
頭面巒析都盡以刀割心捧之而卒次日合掌跌坐
如故所傷餘骸一無遺血白乳湧流凝於石上
慧力寺僧善周沐浴而化五日後鬚髮再生

天竺國惠理法師至浙西見山巖秀麗曰此吾靈鷲
山十小嶺不知何年飛來有洞舊藏白猿呼之猿果

出

隋仁壽初京城鑄丈六金像其日雨寶屑銀花香氣甚異又法師元琬造丈六金像始成天雨花狀如雲母

隋開皇中釋道英入水宴坐六宿方出又值冰厚雪深仰卧三宿方起

大業初慧侃住棲霞寺往楊都偈法師所將還寺衆請現神力侃卽從窻中出臂長數十丈

金舌和尚趙人也修道中條山唐睿宗三召不至乃截其舌以進焚之化爲金舌哦經如故

清涼僧海豐苦行二十餘年人見其眉睫間常化佛百千大如黍米往來遊行已不覺也

藥王菩薩姓韋氏名古字老師踈勒人也開元中至京紗巾毳袍杖藜而行腰懸葫蘆數百普施藥餌以一黑犬自隨凡有患者視之卽愈帝敬禮爲藥王菩薩

萬回號州張氏子幼時嘗致兄書六千里外朝往暮返因號萬回及爲沙門所至顯化武后延入宮賜以錦衣令宮女給侍中宗賜號法雲壽八十飲水湛然而逝

唐使王立策過西域視維摩故居以手板量之方廣
十笏蓋方丈所由名也維摩詰此云無垢毘耶離此
云廣嚴有妻金姬子善思女月上大闡竒跡
宗實上人樊司空子也捨官位妻子出家白居易作
偈贈之有云榮華恩愛棄成唾戒定真如和作香今
古雖殊同一法瞿曇拋却轉輪王
皎然名晝雲州人與靈徹遊甚善徹字澄源居越州
雲門精持戒律又杭之西嶺僧標有高行三人齊名
時人語曰雪之晝能清秀越之徹洞冰雪杭之標摩
青香

貫休善書兼能詩嘗題簡禪師院云忘機室入空靜
與沃洲同惟有半庭竹能生竟日風登山海月上出
定印香終繼後傳衣者還須立雪中

温州淨居寺尼玄機嘗習定於平陽山石窟開元中
倒立而化將塋風雷陰黯失其柩越二日有自大石
來者云是夕空中有簫磬聲柩已置峯上矣

大曆中有鄒和尚不知所從來跨白驢結茅居徽山
一日走鄰縣靈鷲山中其徒追及但見文殊石像耳
始知爲大士化身而白驢卽獅子也

婁道者承天寺僧也生有異相掌中一日中指七節

乾興七年側卧而化焚之三日衣被不動忽雷雨驟
作薪火皆滅中出白烟自焚立盡獨畱目睛與舌根
不壞舍利無數

金碧峯不知何許人高皇起兵見之宣州峯踟躕危
坐不爲禮上叱峯亦叱上曰可曾見殺人將軍平峯
曰可曾見不怕死和尚乎上乃釋劍作禮峯徐曰建
康可王也洪武初上旣卽位召見奉天殿勅施摩伽
斛食大興佛事入滅舍利五色

尚師哈立麻者烏思藏僧也永樂中命建法壇十四
日天花飛墜甘露降空有舍利自天而下青鸞白鶴
蓮霄畢集金仙羅漢變現雲表又聞天樂來空一夕
檜栢生金色花遍於都城內外帝自此潛心釋典作
佛曲使宮中歌舞之

瓦領禪伯西僧也永樂中帝與偕至靈谷寺觀向日
塔影齋心嘿禱有五色圓光中見佛像及誌公像翼
日天花雨空異香芬馥帝心大悅命圖畫示中外

學佛考訓卷二

燈餘

錢唐佖亭和尚游挺緝
秀州息波道人成源訂

五宗失據百喙爭鳴昧普通之指歸失永嘉之遺
意用收載籍廣附傳燈

佛决疑經云梵王至靈山以金色波羅花獻佛請佛
說法世尊拈花人天罔措迦葉微笑雪竇鑿頌云如
來有蜜語迦葉不覆藏一夜落花雨蒲城流水香
六祖盧行者母夢庭前百花兢發白鶴雙飛覺而有

孕經六年始生時光燭虛空異香馥郁不飲母乳
每夜神人灌以甘露及歿白虹屬地異香襲人得法
弟子四十三人惟青原思稱七祖按本傳以青原先
南嶽時青原爲首座故也

傳大士偈云東山水上浮西山行不住北斗下闡浮
是真解脫處又云行路易路易人不識半夜日頭明
不悟真疲極固知半夜日頭東山水上當時已有其
語

永嘉叅曹溪證悟著證道歌郎時定中見其字化爲
金色蒲虛空界

實掌和尚建康間來此土會達磨入梁掌就扣其旨
有悟武帝延之內廷未幾如吳至天竺往鄮峯登太
白穿雁宕盤礴於翠峯七十二庵貞觀十五年返飛
來峯顯慶間入滅住世一千七十二歲

布袋和尚相傳爲彌勒化身一號長汀子嘗有詩曰
一鉢千家飯孤身萬里遊青目睹人少問路白雲頭
寒山拾得旣著奇蹟問丘胤爲之贊曰昔居寒山時
來茲地稽首文殊寒山之土南無普賢聊申贊嘆拾
得定是願超生死

泗州大聖一號僧伽頂有穴以絮塞之夜則去絮香

從頂穴中出烟氣蒲房非常馥郁及燒香還入頂穴
初遊西涼至雒陽唐中宗詔入宮禱雨奇應睿宗景
雲間示寂帝問萬回曰僧伽何如人回曰觀音化身
也

青銜山和尚與忠國師友善國師言於帝三詔不赴
懶殘詩有云世事悠悠不如山丘青松蔽日碧澗長
流山雲當幕夜月爲鈎臥藤蘿下塊石枕頭懶殘一
名瓚被詔不受曰我豈有工夫爲俗人拭涕耶牛糞
中煨芋自食

杜順和尚屢著神異少爲隋文帝所重貞觀中引入

宮禁妃主以下莫不拜從著華嚴法界觀行於世
元和中道樹禪師結茅三峯有怪現化或現菩薩天
仙放光出響師至怪滅人問何術師曰野狐有盡老
僧無盡

洪昉禪師南天王提頭賴叱請師至天供養於是置
食食已身諸毛孔皆出異光毛孔之中盡能觀見諸
佛

僧無可贈圭峯詩云絕壑禪床底泉分落石層霧交
高頂草雲影下方燈朝滿傾心客谿連學道僧半旬
持一食此事有誰能

嵩嶽元珪禪師見異人峩冠袴褶而至且曰吾嶽神也願師授戒師張座秉爐依律說戒神禮謝願報德師曰吾無須神請表跡師曰但移北樹於東嶺能乎神曰敬聞命其夕風雷奔掣屋震鳥喧詰旦和霽則北巖松栝盡移東嶺

正覺禪師諱智廣初參鹽官有省常持鐵鉢以一白天自隨會昌廢教遁巖谷宣宗初乃出路逢巨蟒欲吞師師錫先飛正拄蟒口因徐入口中跌坐逮師出定蟒化爲石矣旣而所居雷雨湧沙山神移址環列八山中成梵宇遂稱九山著竒跡

宋廣寧烏石潭梁果師嘗入山採薪夜則騎虎而歸人號伏虎禪師後尸解

草衣禪師足不履地口不嘗味日無晝夜時無寒暑惟一繩床宴坐而已如是者三十年宰相權德輿嘗爲之記

保福豁禪師卓庵貴湖尋入湖頭山坐磐石而逝命以遺骸施諸蟲鳥

烏巨山開明禪師入定叢竹間蟻蠹其衣敗葉沒脛偶摘桃浹旬不歸人往覓之見於桃樹下扳枝倚石而定後遊江郎巖有石龕命弟子累石爲戶入定其

中好事者圖像祀之皆獲舍利

大智禪師住洪州百丈少事龍泉師師命浣布見青黃二龍戲井中因以鉢探之得二龍獻師時傳神異重雲暉禪師嘗往圭峯坐石壁間顧見銅瓶椶笠等物歛目良久曰此吾前身道具也因築庵居之虎豹引去龍亦他徙有祥雲湧出因號重雲

行因禪師隱佛手巖居石窟江南李主三詔不赴入滅日立化終於巖中巖在廬山之北五峯如掌故名也

會昌沙汰有僧無繹隱温州瑞安東北谷結庵禪定

閱十年藤蘿遶身儼然不動人號爲藤蘿尊者

會昌沙汰石霜隱瀏陽治陶巖頭隱鄂渚刺小舟來往慧忠禪師嘗作偈曰多年塵土自騰騰雖著伽黎未是僧今日歸來酬本志不妨留髮候然燈

天皇悟禪師出青原第三世或傳天王道悟引丘玄

素符載二碑並是偽造張無盡云二碑得之達觀穎

穎嘉祐間入滅張無盡曾未之見何從得此蓋傳之

者妄也

符碑載天皇四月十三日入滅丘碑載天皇四月十三日入滅豈有兩人耶

艇子和尚詩曰三十年來海上遊水清魚見不吞鈎釣竿所盡重栽竹不計功程得便休

韓退之叅大顛嘗曰和尚門庭高峻弟子於侍者邊
得個入處

石頭和尚天寶初住衡山南寺寺東有石狀如臺結
庵其上故名石頭著草庵歌行於世

李翱字習之韓愈門人也叅藥山投機偈曰煉得身
形似鶴形千株松樹一函經我來問法無多子在
青天水在瓶

藥山乘月長嘯響動陵谷山下九十里皆應因號漚
陽長嘯

布毛侍者姓吳名元卿官翰林供奉元和十年奉帝

曰臣幼不茹葷志願從釋詔許之謁鵲巢和尚吹布
毛得悟因號布毛侍者法名會通建寺於葛嶺之西
名招賢寺

雲巖禪師語曰在欲渾無欲居塵不染塵百花叢裡
過一葉不沾身闍維舍利一千餘粒

石霜諸禪師住霜華山學者輻輳長坐不臥如枯株
時謂之枯木衆僖宗詔不受

龍湖禪師唐僖宗第二子也以黃巢亂斷髮逸遊人
無知者從石霜領旨霜謂之火中芙蓉梁貞明間忽
跨虎凌晨而出不知所往

千頃禪師名楚南住錢唐支硎山初得旨於黃蘗雖
應緣無倦而常住禪定或踰月或浹旬乃起僖宗賜
紫著破邪論行世孫孺冠錢唐發塔視師爪髮俱長
龐道蘊舉家學道子女同化去龐婆不知所往

裴休字公美事黃蘗陸亘字景山事南泉並傳祖意
白居易詩云如來說偈讚菩薩著論議是故宗律師
以詩爲佛事一音無差別四句有詮次欲使第一流
皆知不二義

皎然與覺禪師詩云山侶相逢少清晨會水亭雪晴
松葉翠烟煖藥苗青靜對滄洲鶴閒看古寺經應憐

叩闌子了義共心冥

皎然示靈徹詩云身閒始覺麤名是心了方知苦行
非外物寂中誰似我松聲草色共忘機

維浦神劔歌云君子得之忘彼此小人得之自輕生
他家不用我家劍世上高低早晚平

洞山悟道偈云向前物物上求通只爲從前不識宗
如今見了渾無事方知萬法本來同又偈云世間塵
事亂如毛不向空門何處消若待境緣除蕩盡古人
那得喻芭蕉又咏華山偈云華嶽三峯翠插天上頭
無路可攀緣不知誰有神仙手折取峯頭十丈蓮

洞山遷化大衆號慟不止山忽開目謂衆曰勞生惜
死哀悲何益令主事辦愚痴齋更延七日端坐長往
雲居在洞山日結庵三峯經旬不赴堂山問子何不
赴齋居曰自有天神送食山叱之居回庵寂然宴坐
天神竟尋不見

曹山寂一名章志慕曹溪故名所居爲曹山南平鍾
王雅重師致禮敦請師不往但書大梅山居偈一首
付使者而已偈云摧殘古木倚寒林幾度逢春不變
心樵客遇之猶不顧郢人那得苦追尋

宗鏡云雲居膺和尚乃物外宗師此土七生爲善知

識道德孤邁智海弘深具大慈悲常盈千衆去海昏
登歐早就樹縛屋而居故曰雲居

汾陽昭咏洞山偈云樓閣千山月江湖萬里秋蘆花
同一色白鳥下汀洲

汾陽昭序五位首正中來頗與洞山不合正中來是
第三位誕生王子亦是第三位後人移易非洞山本
位也

浮山遠從太陽玄盡得洞宗綱要擬班固作九帶大
弘正偏兼帶之旨

法眼悟道偈云刀刀林鳥啼披衣終夜坐撥火悟平

生窮神歸破墮事皎月自迷曲談誰能和念念永不
忘門開少人過

韶國師姓陳氏住天台謂錢忠懿曰智者之教年久
寔失惟新羅有善本於是使使航海求之傳寫而返
僧問永明壽如何是諸佛出身處壽云石牛生象子
木女孕嬰兒又僧問如何是不思議事壽云紅埃飛
碧海白浪湧青岑又僧問如何是正了無心壽云蘆
花水底沉石虎山前鬪又僧問最後一言壽云化人
逢幻士谷響蒼泉聲會元失載

壽禪師住雪竇偈曰孤猿叫落中巖月野客吟殘半

夜燈此境此時誰得意白雲深處坐禪僧遷永明日
惟一食

楊無爲序宗鏡錄云永明著宗鏡一書吳越忠懿王
俶秘之教藏至宋元豐中始行於世又吳人徐思恭
請法涌禪師廣爲校布名錢唐新本今所傳者新本
也

楊無爲嘗爲投子青禪師作贊有云一隻屨兩牛皮
金烏啼處木鷄飛半夜賣油翁發笑黑頭生得白頭
兒

雪竇顯禪師詩云雨過寒雲曉半開數峯如畫碧崔

嵬空生不解巖中坐惹得天花動地來

明教高禪師著定祖圖正宗記輔教篇上於朝朝命
韓琦歐陽修考證入藏仍賜明教大師熙寧中示寂
闍維六根不壞舍利不可計數

佛光悟禪師郭汾陽後身也嘗著白衣跨牛橫笛遊
於維川人莫之識及坐脫有五色雲如車蓋現庭中
移時不散

文慧禪師與文潞公友善一日往潞公言別公使其
子視之果坐脫矣火化舍利無數公執上所賜琉璃
瓶祝曰舍利可得乎須臾烟入瓶中舍利填滿

東林惣禪師母夢白芙蓉而生後住泐潭其徒謂爲
馬祖再世

雲居祐禪師住道林特道林像設冠於湘西蜂房蟻
穴間見層出祐令悉毀之役夫不忍祐乃自鋤去人
服其識

隆慶閑禪師母夢吞明珠而娠及生白光照室滅後
闍維烟所至處草木沙磧皆得舍利滿數

雲蓋智禪師爲人枯淡住後猶荷鋤理蔬圃至老不
輟

報本元禪師通書嗣黃龍南南不許召其來將詰本

撰述
末及元至而南已遷化矣古人不輕大法如此
西蜀無爲山一老宿久修梵行人尊師之山中三百
餘家同日設齋一時並到
嚴陽尊者住黃石巖蛇虎受役嘗過南安江中有眠
槎者碍舟摩娑之輒去又誠蛟蛟徒擲杖得甘露屢
著神異

言法華多行市里或舉手畫空從屠沽遊飲啖無所
擇時獨笑語市人目爲狂一夕忽自入右掖門竟至
寢殿侍衛呵不能止奏上上笑曰朕固嘿請也以太
子事決之言但書三十三都無所說後英宗卽位

漢安懿王第十三子也果如其讖

端師子好頌澳父詞每月夜歌吟達旦自稱瀟湘釣
客秦少遊嘗請說法端以手自指曰天上無雙月人
間只一僧一堂風冷淡千古意分明下座

自得暉嗣天童覺著五轉位頌時稱室中真子

丹霞孤寂吟云不迷須有不迷心看時淺淺用時深
此個真珠若採得豈同樵客負黃金

芙蓉楷初隱伊陽有虎馴伏得法後以衣履藏鹿門
山大觀初詔賜紫衣師號並不受

真歇了禪師初住長蘆建炎末慈寧太后命開山臯

寧建崇先寺歿謚悟空塔寺西桐華塲後百餘年發塔爪髮再長顏貌如生臯寧蓋今臯亭也慈寧韋后從二聖陷五國城及歸哀念道君建崇先顯孝寺呂正已學士叅真歇問衣裡藏珠是甚麼人師起抖擻曰一物也無已忽悟師贈以偈曰君今親切到長蘆抖擻衣衫一物無此去逢人如有問但言風急浪花麤已荅偈曰鍼芥相投夙有緣千年孤立雪庭寒禪人若問前程事萬里長安到不難正已爲宋名臣頗擅學行

太白山道林禪師以女人染緣終身不見不爲說法

不受食不令入室道望孤峻逃梁山鑿窟而住

樊山模禪師臨歿謂衆曰吾居佛時號慧空菩薩今緣畢吾往也因自身出火現龍奮迅三昧而逝

趙清獻公怵悟道偈云默坐公堂虛隱几心源不動湛如水一聲霹靂頂門開喚起從前自家底

鄭夷甫吳人也少登第聞金山佛印師譚咲脫去心竊慕之因閱楞嚴得悟後預知化日屹然立逝

惟政禪師騎黃犢過公府俗稱政黃牛嘗擁毳袍敵甚又製荻衣爲裘意夷然不屑也著作三十卷號錦

溪集工書法絕勝秦少遊珍藏之

張子韶嘗供十六大天杯茗悉化爲乳子韶異之紀其事因作偈曰我欲供佛佛卽現我欲供天天亦現佛子若或生狐疑試問此乳何處至狐疑卽塵塵卽疑終與佛天不相似汝今微有疑與惑鷄子便到新羅國

子韶嘗作不怕念起只怕覺遲頌頌曰念是賊子覺是賊魁搥殺賊魁賊子何歸堂堂大路惟吾獨之越南燕北遼東隴西撒手便到何處何疑神劍在山鐔冷光寒魍魎魍魎莫之敢于此名真覺秦時轆轤光孝慧蘭禪師自號碧落道人嘗以布視書七佛名

號叢林稱蘭布視建炎末爲兀术兵所執不屈索火自焚流光彌空舍利如雨

解脫和尚依華嚴作佛光觀嘗於月夜見化佛作偈云諸佛甚深法曠劫今乃得若人明此門一切佛隨喜尚作禮佛忽不見空中偈云方便智爲燈照見心境界欲知真實法一切無所見

元叟端禪師詩云木落湫水寒千峯正岑寂惟聞虎嘯聲不見人形跡霜露濕巖莎月輪掛空碧此時觀此心獨坐磐陀石

天如和尚詩云塵網苦多累暫閒如脫羈胡爲塵外

撰述
迹而乃東西馳聚譚每倉卒既遠翻多思眼前失真
宰身外何求知百骸如僕馬勢合聊相隨氣運忽還
謝一散無重期來日不可待去日不可追靜緣當自
保世故方無涯

石屋禪師語曰重巖之下日對千山一根返源六處
皆閑白雲飄飄綠水潺潺動靜兩忘別自人間
海雲大士名印簡奉萬松老人命校試僧徒稱旨夏
請立孔子後儒佛皆賴以全後坐脫闍維舍利無算
明昌四年詔萬松老人於禁庭說法后妃羅拜甘露
霄降祥雲巨天御製詩贈之有金色界中兜率境碧

蓮花裡梵王宮之句

耶律楚才字晉卿叅萬松老人蒙記蒞號湛然居士
嘗語人曰吾見萬松巍巍若干仞峯滔滔如萬頃波
莫能涯際

萬松秀云藥山天皇本嗣石頭兼師馬祖傳燈以天
皇嗣石頭覺範憑碑後列名勒歸馬祖非也

雪庭裕禪師嗣報恩秀詔奉帝師復廢寺二百三十
六區論辯僞經火其書仍賜光宗正辨之號住萬壽
分建燕薊長安太原維揚諸刹師三閱藏教通羣書
善翰墨喜吟咏上堂普說十萬餘言播在叢席老歸

高陽書偈而逝

佛國禪師叅萬松爲侍者博學有才辯劉文貞公薦於朝將授以官不受乃賜佛國號及入滅火浴心口牙不壞培地數尺猶得舍利奎章閣學士虞集爲之畧

黃衣和尚每渡津卽步行水面衣履不濕遇虎豹叱之而馭

徑山雲峯禪師嘗見偃溪溪舉牛過窓櫺話峯劃然有省元兵入山剽亦及頸不爲之動後入廷對與講師辨論講師屈服禪道大興於世

雪軒成禪師趙王孫也初隱土窟有老人與語已忽不見師益自勵洪武初詔住天界御製詩贈之有曰不荅來辭許默然西歸隻履舊單傳敲鐘朔望空王殿示座從前數歲年帝親至丈室問佛法大意

雪軒嘗於鍾山說法聽者數萬人赴日本衍揚大化歷仁宣朝壽八十一坐脫闍維日烟燄皆成五彩異香縹緲舞鶴翔空火後收舍利無算賜塔鷲峯禪寺松庭嚴禪師洪武初弘揚法要力田給衆有偈曰晝拈塊石驅山鳥夜坐巢庵逐野豚腸斷秋風頻擊析目窺夜月更銷魂論者比之鏡清風穴自周王以下

並師尊之奉紫伽黎就宮掖陞座說法

無盡禪師姓王氏父好謙嘗書華嚴有五色舍利見於筆上師感而出俗住天台影不出山苦行自厲臨歿書偈曰生滅與去來本是如來藏搜破五須彌廓然無背向茶毘舍利無算

虛堂禪師相傳爲淮海和尚再世嘗遊五臺見祥光五道中大士影現洪武初示寂說偈曰七十八年守拙明明一場敗闕泥牛海底翻身六月炎炎飛雪茶毘烟所至處皆成舍利

楚石琦住蔣山洪武中親承顧問臨滅說偈曰真性

圓明本無生滅木馬夜鳴西方日出茶毘舍利索索夢庵禪師通禪宗兼精教乘洪武初示寂闍維舍利無數

澹居禪師洪武初召見問以鬼神之理奏對稱旨學士宋濂作詩贈之有虎丘尊者各浮屠見性烟如摩尼珠之句盛傳都下

宋濂嘗叙五宗始末云希遷之學湖南主之其傳爲道悟悟傳崇信信傳宣鑑鑑傳義存雲門法眼皆出其下

入室禪師字季潭諱宗泐洪武初詔師西域求法得

撰述
莊嚴寶王文殊等經賜住天界後歸槎峯御製詩送
之有寂寞觀明月逍遙對白雲之句傳以爲美人滅
茶毘舍利現於天界

楚山禪師叅趙州無字得悟嘗有語云青山綠水燕
語鶯啼歷歷分明更疑何事宣德中出世

雪光禪師住持西雲天順中入滅有云鐵笛橫吹任
自由何必曹山不借借擲筆而化

物外禪師有偈曰崑崙倒跨清風舞澗底泥牛鬪石
虎盞著蒼松眼上睂蟪螟踏破虛空肚天順中住伏
牛山

月林禪師叅本來人有省作偈曰本來人本來人無
腦無頭作麼尋驀然揪著個鼻孔試看原來是白丁
正德中住徑山

玉芝禪師幼肄儒業叅陽明子得良知之旨住天池
有語錄行世

清凉念禪師初閉跡五臺晝則一食夜則孤坐偶失
明習定七日雙目復睹南遊越州湛然澄禪師往謁
投契有五乳峯頭無篋箭射得南方半個兒之語盛
傳海內住匡廬歷五臺說法

笑巖禪師嘗宴坐見一沙門自空中持錫逼座而立

一撰述
須臾問答畢復凌空去

紫栢大師得旨於少室潤及遊京師宗說兼通化感

官掖忽罹無妄竟坐脫有紫栢集行世

住秀州楞嚴
剎全藏流布

憨山大師氣岸高峻不與物伍住曹溪兼講老易註

莊子七篇行於世

雪嶠和尚隱徑山會雨雪浹旬不得食幾斃忽聞空

中語曰八地菩薩送供且至矣時聞谷大師住真寂

携一囊粟衝寒跨雪至相見且笑固知爲菩薩再來

也

真寂和尚頌德山托鉢云末後之句有也無德山父

子太清訛同條生不同條死活得三年恨轉多

吹萬禪師生時有異僧到門謂爲應真出現後開法

聚雲及歿說偈曰朝打三千幕打八百要見聚雲眉

毛出血闍維烟至松幕結爲五彩得舍利三百餘粒

工部熊月巖從之得法

博山來禪師叅壽昌昌舉龍吟虎嘯語令作頌山隨

頌曰殺活爭雄各有竒糲糊肉眼曷能知光容不遂

時流意依舊春風逐馬蹄

黃蘗有禪師住黃州以怒罵爲佛事時天童悟離金

粟雲門澄住徑山諸方爲之語曰天童打黃蘗罵纒

到雲門便放下

雲門澄一號散木老人嘗住顯聖掩關不出夏月苦旱苗就稿夜輓轆甚急忽見老人裸衆中同力作須臾溉注陶石簣學士聞而不信使人視之師固高卧無異也師道望優崇德王問法住徑山當八十一代石雨方禪師一名斷拂子初謁雲門呈偈曰平空一擲絕躊躇轉眼風波徹太虛會得竿頭舒卷意放生原是釣來魚自此投契晚住寶壽相傳爲石田薰再來也由雲門遷雪峯領佛日歸龍門坐脫闍維頂骨不壞

天界盛禪師與焦弱侯汪伯玉諸公友善說法四十年道場遍天下諸王貴人延入內廷尊重無與比晚著原道篇以見志有忌之者陷於獄時宰致問但書問余何事栖碧山詩酬荅而已餘無所言尋得釋已而坐脫住徑山當八十三代

余集生仕開府叅博山得旨嘗隱橫山與諸方往復機辯無碍慨天皇王之誤作書正之引雪峯廣錄從先德山石頭以來傳此秘密一語爲據觀者允服黃元公諱端伯號海岸嘗叅博山受記蒞後蒙難臨歿作偈有刀山是道場之句一時頌之

照述
嘯峯然禪師姓倪氏號樸庵任給事中老而出俗修
傳燈正宗一依景德之舊作熄邪辯有云天王道悟
止據丘玄素一碑攷之唐史並無玄素其人益徵謬
妄

愚庵孟禪師夙擅宗風復弘講論諸方以爲孤山後
身歷建大刹歸老湖山結庵葛嶺頽然放適弄小舟
吟咏達旦以端師子政黃牛自托年六十七坐化著
撫古頌明宗正譌行於世

愚庵幼習禪定自雲門受法後棲隱巖林宴坐忘返
或攀樹而寂或坐茶竈下不起同人撼之久而乃出
漢文居士姓徐氏錢唐人久棲巖谷獨抱天真觀梅
花有悟因和中峯韻百首其一曰疎枝照影倍精神
寒鎖孤峯獨露真幾度深山伴啼鳥一天明月問歸
人雲開石磴閒中色雪捲松濤劫外塵歷歷香浮清
夢斷始知今夜萬家春其二曰碧山深處暗凝神月
落寒雲對影真歸去但畱林下色往來還笑路岐人
身憑遠嶂千重雪目斷長空萬里塵自是故園生意
足空教錯認武陵春及歿坐脫

學佛考訓卷一
撰述
佛地未遙石麟有托取支那之言論求東土之齒
牙將續貫花務弘卷軸
委宛餘編云釋迦佛姓刹利字頡吉又為悉達阿彌
陀佛是為魯光功德山王波頗智光佛也一日佛陀
一日浮屠一日部多一日母馱一日沒陀五天竺異
音故耳

學佛考訓卷三

錢唐浪亭和尚澣挺緝

秀州息波道人成源訂

華雨

義虎未遙石麟有托取支那之言論求東土之齒
牙將續貫花務弘卷軸

委宛餘編云釋迦佛姓刹利字頡吉又為悉達阿彌
陀佛是為魯光功德山王波頗智光佛也一日佛陀
一日浮屠一日部多一日母馱一日沒陀五天竺異
音故耳

西域記云阿耨達池在香山之南大雪山北周八百里東南流入海者為殑伽河西南流入海者為縛芻河北流入海者為徒多河又潛流地下出積石山東北流入海者為中國之河源阿耨達華言無煩惱殑伽華言天堂縛芻華言青徒多華言冷也

道卓嘗建塔感天龍護之得龍毛長三尺許按經云治故塔者生白身天其身鮮白入珊瑚林掃塔者生意澡天其身淨潔猶如明鏡去塔中草木者生光音天衆寶宮殿光明不可計量以花香供塔者生兜率天諸毛孔有梅檀香具三明六通及八解脫

成住壞空八十轉輪劫總一十三萬四千四百年為一大劫龍漢為木劫赤明為火劫延康為土劫開皇為金劫上皇為水劫過去莊嚴劫現在賢劫未來星宿劫

隋大業時佛經六千一百九十八卷唐開元時五千四十八卷宋雍熙中增新經凡九千五百卷龍宮海藏至此愈多矣先是龍樹菩薩入龍宮流傳天竺分八萬六千偈至中土其後摩騰入漢白馬馱經翻譯漸增遂不可量

宗鏡錄云儒二十七家黃老二十五家釋有十二分教殊途同旨以心為宗

羅什法師年十二偕母出家日誦三萬二千言博聞強記人莫能及秦主姚興迎入逍遙園公卿以下金師尊之集沙門八百餘人譯經三百九十餘卷羅什弟子生公肇公融公獻公謂之什門四聖生公名道生嘗入平江虎丘山鑿石爲徒講涅槃經至闡提有佛性處語石曰如我所說義契佛心否羣石皆爲點頭後北涼曇讖重譯涅槃果與公契晉廢帝太和中沙門于法開善放光般若經兼通醫術或問曰師高明剛簡何以醫術經懷開曰明六度以除魔調九候以療病自利利人不亦可乎穆帝召

之視脉竟不違

支道林講法禁苑中朝名士殷浩郗超孫綽桓彥表王敬仁何充王坦之袁彥伯並結方外交及抗表還山羣公祖餞一時標致

道林在山陰講維摩經許詢爲都講

謝朓秋夜講經詩云四緣去誰摩七識習未央淵淵倒營魄苦陰蹙愁腸當時亦列高座

卑摩羅叉天竺人也以眼青故名青眼律師出遊關左盛闡毘尼羅什所譯戒本得師乃行於世

王屋山僧安講涅槃經有雌雉伏聽俄越州人家產

女髮如雉毛安往一見如舊識乃知雉化生也

義熙中內史孟顛等請譯華嚴經詔佛馱跋陀止道塲寺譯經共六十卷時有二青衣童子每旦自庭沼中出炷香添水譯畢不見

道英法師初習禪定宴坐深淵七日而出嘗講起信至真如門奄爾氣絕衆意其逝矣有都講識之曰此入滅盡定耳三日後果起

那跋摩嘗居祇洹寺講法華經并華嚴十地品宋文帝率公卿日集座下

梁武帝嘗請雲光法師講經於建康法雲寺感天雨

華如雪及卒塋定林勅東園秘器給賜貴重無與此大通六年傅大士弟子傅睢詣闕上書有詔赴闕帝爲設食及大同中再入召見壽光殿令講金剛般若經士揮尺一下而罷

智者大師姓陳氏悟法華三昧駐建康瓦棺寺弘法僕射徐陵尚書毛貴並稟漢旨著天台一宗

貞觀中遣使入西域見畢鉢羅樹卽菩提樹釋迦成道處也一名思維樹一名無憂樹一名貝多羅樹高四百丈枝葉青翠經冬不雕

籃田悟真寺有高僧寫涅槃經羣鴿自空中銜水添

視

圭峯禪師出家青蓮山講經地湧青蓮八龍聽講

唐法師焚金刺血寫經筆端嘗有舍利又温州法空

院僧慧升結廬北巖寫法華經至普賢勸法品天雨

舍利

大業末僧智超誦法華經瓶水自溢

永嘉中安慧寫大品經入火不燒

大順初温州火雲寺僧洪梵說法誦經陸地生蓮靈

蛇聽法

石斗山中法華寺碑載樵者掘地得石函藏一童子

舌不壞上生蓮花一枝云是誦法華瑞相也

不空三藏名不空金剛北天竺國人也初印度僧金

剛智傳秘密教頗著奇蹟不空與僧一行道胤並師

事之開元中不空携弟子二十一人附崑崙船返五

天得密藏及經論五百餘部還京詔入內庭爲帝灌

頂賜號智藏及滅舍利數百頂骨不壞

菩提流志南天竺沙門也本名達磨流支所譯有寶

積經睿宗景雲間詔於北苑白蓮花亭譯經帝躬親

筆受

義淨法師譯藥師經二卷奉中宗旨也初中宗在房

撰述
學佛考訓卷三
五
州持經獲應故命復譯及睿宗景雲畱師大荐福寺
譯經論二十部學士李嶠張說等並加潤色

貞觀初道遜法師講涅槃經至請寄來生偈忽然而
逝送柩於山有異花遶柩而生長三尺可五百餘莖
賢首法師名法藏康居人也初燉煌杜順和尚傳華
嚴觀藏得其教華嚴晉譯僅六十卷至是奉天后詔
譯成凡八十卷開示宗旨有白光自口出又於東都
講經至華藏世界品大地震動賜號賢首召對長生
殿云

清涼國師名澄觀姓夏侯氏山陰人也撰華嚴疏德

宗貞元中降中使宣入都與罽賓三藏般若譯烏茶
國所進華嚴後分四十卷又令造疏進呈賜號清涼
時順宗在春宮親接師顏請換了義自憲宗迄文宗
並奉師表

清涼國師既入滅有梵僧言於葱嶺見二使者凌虛
而過云東取華嚴菩薩大牙歸國供養有詔啓塔果
失一牙闍維舌根不壞如紅蓮色

李長者名通玄太原人日食栢葉棗餅因呼棗栢大
士嘗負經山行遇一虎撫之曰吾欲著華嚴論能爲
擇棲止耶因以經囊負其背虎至神福山原下土龕

而止士郎於龕著論每夕口出白光以代燈燭有二
女子汲水炷香食時具饌齋畢撤去如是五年著論
畢滅跡不見

唐憲宗詔譯經於禮泉寺諫議孟簡補闕蕭俛潤色
文義

修雅法師誦法華經歌云山色沉沉松烟幕幕空林
之下盤陀之石石上有僧結伽橫錫頌白蓮經從旦
至夕左之右之虎踪狼跡十片五片異花狼藉

窺基法師尉遲敬德猶子也從立焚受瑜伽學通唯
識開慈恩宗性豪侈每出入必治三車備經書食饌

時號三車法師終南山宜律師持律精嚴感天厨供
養聞三車之號心竊薄之一日基訪律師日過午天
饌不至基辭去天乃來律師責以後時天曰適大乘
菩薩在此翊衛嚴甚無自而入律師問之乃大驚異
茅山道士吳筠作書深詆釋氏時法師神邕者著論
折之給事中竇紹見邕論嘆曰邕可謂塵外摩尼論
中師子

法師慧瑞住襄陽居山頂引汲爲勞欲他去夜夢神
人長丈許紫衣來前日但講大乘經能令所居光明
榮勝願住此勿他往法師需水易耳來月八日當得

之自往劔南請一龍王行至矣及期果信

慧眺法師習小乘法住哲公座下聞講大論心生不
信六根流血後懺謝復學大乘

崇慧法師大曆中與道士鬪法以身投猛火中須臾
自出道士稱服

宣律師云觀音大士昔爲妙善公主世傳觀音爲女
身本此

宣律師嘗行道中夜臨砌蹶且仆有年少介冑擁衛
之師問爲誰荅曰弟子博又天王張瓊也以師戒德
故來給衛耳又授師佛牙及餌藥脩合之法

太平興國七年譯大乘莊嚴寶王經御製三藏聖教

序先是唐貞觀時
太宗製聖教序

孤山法師諱智圓一號中庸子與處士林逋及慈雲

懺主友善嘗自作祭文挽詩三日而滅景祐中啓塔

爪髮俱長唇紅微開齒如珂雪

慈雲懺主諱遵式所居爲古靈山寺西巖有檜始西

晉慧理法師年久枯壞式誦大悲咒以水灑而活之

陸省庵持法華經偈云盥手清晨貝葉開不求諸佛

不禳災世緣斷處隨他斷劫火光中舞一迴

宣和中廢沙門爲德士法師道永上書極諫帝怒黥

之流春陵屢著神異建炎初召見命去其黥永曰先帝墨寶不忍去也帝大咲云卿到老倔彊耶賜號寶覺住大中祥符寺後坐脫闍維舍利無數宋高僧傳天岸法師嘗於定中見一尊者授以犀角如意自是博辯無碍至正中海岸傾頽竟數十里師呪沙擲地救之賴以無恙

浮休法師嘗住天竺適瓔珞泉涸禱之泉湧因名再來泉趙子昂每稱爲僧中御史以師不妄言咲也至正中罹難入滅荼毘舍利如菽


宋濂云毘尼之法魏嘉平中曇柯羅始持僧祇戒本

至雒陽曇無德曇諦等繼之立錫磨法唐南山宣律師疏爲四分律部

晉東溟居士吳人擅天台一宗自爲講演習荆溪學者一時盡出其門

萬曆七年慈聖皇太后命素菴法師講法華經至寶塔品空中忽現寶塔太后驚異出金縷僧伽黎賜之素菴襄陽人少爲郡諸生出俗住栖霞大得賢首之旨

萬曆十五年麓亭法師講華嚴大鈔於萬壽寺至入法界品天雨寶花大地震動



學佛考訓卷四

錢唐偃亭和尚澹挺緝

秀州息波道人成源訂

蓮宗

問白蓮於五老邀玄鶴於東林陶令可期客兒尚在非同河上之遊不入醉鄉之夢

慧遠少爲儒生博極羣書尤邃老莊周易初止江州龍泉精舍後於廬山東林棲逸偶風雷夜作明發就觀良材駢列桓將軍伊驚異奏立寺焉時天下奇才多隱居不仕者遠公與劉遺民雷次宗等十八高賢

結淨土之遊凡一百二十三人皆同誓願

遠公東林禪詠云崇巖吐清氣幽岫棲神迹希聲奏
羣籟響出山澗滴有客獨冥遊徑然忘所適揮手撫
雲門靈關安足闢流心叩立扃感至理勿隔孰是騰
九霄不奮冲天翮妙同趣自均一悟超三益

劉遺民嘗於定中見佛光照地皆成金色阿彌陀佛
放玉毫光垂手引授又嘗入七寶池掬水而飲出定
異香發毛孔間

遠公送客不過虎溪一日與道士陸修靜徵君陶淵
明共語不覺過溪遠乃失笑

遠法師臨化山中峯澗寺落皆見于眼仙成隊執幡
幢香花赴東林寺

謝靈運嘗於東林鑿二池以栽蓮華時欲入社遠公
謂客兒心襍未許也

遠公退隱硤石山註涅槃經成擲其筆曰若疏義契
理筆當駐空已而果然後人因名曰擲筆堂

謝靈運淨土詠云法藏長王宮懷道出國城願言四
十八弘誓拯羣生淨土一何妙來者皆菁英頽年欲
安寄乘化好晨征

廬山東林於水上立十二葉芙蕖因波而轉定十二

特謂之蓮華刻漏

西林慧永初與遠公同依道安至太元中永公先至
潯陽刺史陶範留憩廬山捨宅居之乃創寺曰西林
嶺上一室曰香谷

遠公報羅什偈云本端竟何從起滅自無際一微涉
動境成此類山勢惑相更相乘觸理自生滯因緣雖
無主開途非一世

劉孝綽詩云尋因途乃異及捨趣猶并苦極降歸樂
樂極苦還生豈非輪轉愛皆緣對著情一知心相濁
樂染法流清

劉程之嘗作蓮社誓文有云識以悟心形由化革藉
芙蓉於中流蔭瓊柯於詠言飄靈衣於八極沉香風
以窮年辭旨並妙

道民各
程之

王融懺悔三業詩云樂由生滅患以身全業資境造
事假言筌利名相倚榮辱茲纏燕驥匪躡銅錯徒鐫
感端風緒愛境情懸不勤一至何階四禪

王齊之念佛三昧詩云妙用在幽涉有覽無神遊昧
徹識以照麤積微自引因功本虛我彼三觀忘此毫
餘

王融法樂辭云生老終已縈死病行當存方爲淨國

遊豈結危城戀又云鷺巖標遠勝鹿野究清立不有
希世寶何以導濛泉

李太白淨土詩有云向西日入處遙瞻大悲顏目淨
四海水身光紫金山勤念必往生是故稱極樂珠網
珍寶樹天花散香閣圖畫了在眼願托彼道場以此
功德海冥祐爲津梁八十一劫皁如風掃輕霜庶觀
無量壽長願玉毫光

溫庭筠詩云世機消已盡巾履一飄然一室故山月
滿瓶秋澗泉禪庵過微雪香寺隔寒烟應共白蓮客
相期松桂前

耿韋詩云少年常昧道無事日悠悠及至悟生死尋
僧已白頭雲迴廬瀑雨樹落給園秋爲我謝宗許塵
中難久留

唐代宗嘗迎法照入宮令宮人五會念佛法照曾於
并州作是會感動宮闈時稱五會法師弘淨土之教
般舟和尚崇修念佛三昧所居爲般舟臺柳子厚嘗
稱之云壞衣不飾揣食不味百有二十而志不衰
白居易嘗捐俸錢三十萬作西方圖爲彌陀肖像并
說讚曰極樂世界清淨土無諸惡道及衆苦願如我
身老病者同生無量壽佛所

撰述
聖佛考前卷四
四
永明壽偈云有禪有淨土猶如帶角虎現世爲人師
來生作佛祖

圓照本歸老靈巖崑修淨業元祐中汴京曦法師嘗
入定遊淨土見大蓮華光明黃色其二題曰宋比丘
宗本之座定起以語本本曰本修禪時心在極樂無
二相也

廣慧大師住阿育王寺親觀舍利光中現釋迦佛身
師遂誓焚身報佛取香油塗身合掌誦佛火然大衆
見五色祥雲自頂上起光中現菩薩金身長可二尺
晃然四照映雲而滅

四空法師出家五臺山說法天花晝下及歿茶毘道
俗見白雲中現樓閣莊嚴白鶴孔雀種種畢具俄而
天樂振空移時方滅

大行禪師誦彌陀經三七日睹琉璃地上佛及二大
士現前唐僖宗聞其事詔入內庭賜號常精進菩薩
及歿肉身不壞

善導和尚每念佛一聲飛光一道隨口而出事聞朝
廷勅所居爲光明寺後登柳樹端坐而化

少康法師縉雲人乞食得錢誘小兒誦佛一聲予一
錢康聲獨高一日衆見佛從康口中出立逝之夕有

光燭天

四明尊者初欲焚身如藥王故事楊翰林億作札并傳旨留之及天聖六年無疾驟稱佛號而逝露龕二十七爪髮俱長闍維舌根不壞舍利如雨

馮濟川諱檝自號不動居士仕給事中所至與賢士大夫高僧逸民續廬山蓮社施藏經四十八藏藏五千餘卷紹興中具衣冠望闕再拜已換僧伽黎衣陞高座跏趺說偈而逝

佛印禪師嘗講金剛經至六如偈有虎丘朱進士者聞而喜之因感異夢持誦不輟至老彌篤臨歿書偈曰八十九年朱公兩手劈破虛空腳踏浮雲粉碎立化菩提樹東泊然而逝

廣平郡夫人馮氏嘗見慈受深禪師持戒念佛十年不惰一日忽書偈曰隨緣任業許多年枉作老牛爲耕田打疊身心早歸去免教鼻孔受人穿異香馥郁安坐而化

岳武穆詩云功業要刊夔石上歸休終伴赤松遊丁寧寄語東林老蓮社從今著再修鵬舉有心人風饒慧業

王禹偁詩云夢幻吾身是偶然勞生四十又三年任

謗西掖吟紅藥何似東林種白蓮

楊鐵崖題東林詩有云結爾東林社招我南山歌回視有漏因已悟影與魔

陳師道寄參寥子詩云平生西方願擺落區中緣惟於世外人相從可忘年參寥子諱道潛與子瞻友善中峯偈云禪外不曾譚淨土須知淨土外無禪兩重公案俱拈却熊耳峯頭開白蓮

文潞公彥博專念阿彌陀佛欲結十萬緣會後如如居士顏丙作頌贊之有云如君膽氣大如天願結西方十萬緣不爲一身求活計大家齊上渡頭船潞公

年九十餘維社耆英公爲之首

尚書陳瓚修淨業疾革置水榻前衆見水中湧出七級浮屠欄楯鈎綴窻格玲瓏無不周備陳乃化去

常熟黃觀察家一老媪常修淨業臨歿一舊籃裙衣裡十二幅忽現出十二觀音像各幅變相不同咸具竹林鸚鵡之致經一晝夜乃滅

南宋沈三郎崙心淨慮臨歿端坐而逝茶毘日有白鶴二十九隻飛鳴雲表久之西去

蓮池大師姓沈氏仁和人東昌悟道偈云二十年前事可疑三千里外遇何奇焚香擲戟渾閒事魔佛

空爭是與非後住雲棲嵩弘淨土爲蓮宗第八祖
袁中郎居士頗悟禪宗兼修淨土已卒而其弟小修
夢來迎已且云幸生淨土矣弟曰何緣至此曰以某
生時著西方合論耳武林虞淳熙著淨土詩亦生中
品


楊嘉祥家世閥閱年十三卽持不殺戒後入南雍益
修淨業一日忽白光滿室青蓮現空見丈六金身接
引而去

仁和孫文學標妻朱氏持戒念佛嘗光中見化佛像
燈燭熒然忽成五彩有佛跏趺其上及歿端坐合掌

稱佛號不輟越三日顏色不變

龍舒居士姓王氏篤信淨業著往生錄行於世

于見素居士諱明照舉孝廉嵩修淨土後爲仕宦捐
俸刻書本藏經以便學者與其弟潤甫及丹陽賀知
機金壇繆仲淳吳江周仲大沈及庵吳孚泉嘉禾賀
道星朱廣原君升曹石蒼諸公先後助揚並弘蓮社
之學



學佛考訓卷五

錢唐俚亭和尚澹挺緝
秀州息波道人成源訂

慈航

觀魚濠上綽有深情放鳥林間自成高致將知天
地與我同根矧云萬物皆吾一體

陸法和自稱荆山居士少隱清溪爲湘東王所重嘗
將兵擊任約揮白羽扇返風滅火大敗約軍所至必

立放生池以殺生爲戒

天監普通以來
武帝每戒屠殺

北齊高帝迎僧稠入宮受苦薩戒盡停五方鷹犬及

傷生之具禁境內屠殺

天台智者大師初弘教觀戒殺放生陳隋之間多尚其教

貞觀七年勅禁堰寨取魚者并斷屠殺嘗禁捕魚先是詔天下年三月六日普斷屠殺至此遂著爲令

乾元二年詔天下諸州置放生池八十一所時昇州刺史顏真卿爲撰碑記有流水救涸寶勝稱名等語一時傳述

宋真宗天禧元年詔天下立放生池如唐肅宗故事王文穆公疏請西湖爲放生池朝論可其奏慈雲懺

主諷之也

永明壽禪師初爲吏輒以官錢放生坐罪當斬刀不能入乃得釋爲僧日行百八善事鳥巢於衣裓中羣竿跪而聽法有神遊地府者見冥王祀其像曰此彌陀後身也著宗鏡錄一百卷高麗嚮風致葬宗鏡堂後

宋僧觀公住黃巖止等寺嘗畜一鵠鴒令之念佛一日立化觀公墓之有紫蓮華出自土上尋之則華從舌本出也

唐邵彪夢至一公府見大鑊中有蛤蜊作人身呼彪

名彪懼念佛蛤變黃雀飛去彪後及第官安撫使
唐文宗嗜蛤沿海官皆先時遞進一日設饌中有一
蛤忽現菩薩形儀梵相具足帝大駭異貯以金粟檀
香盒賜興善寺令衆觀之復令天下寺院各立觀音
形像

韋臯嘗訓一鸚鵡令念佛鸚鵡斃臯曰是能念佛宜以
桑門禮化之闍維果得舍利二粒臯爲之記

武后畜一鸚鵡名雪衣通心經后貯以金絲籠偶一
日戲曰能作偈求解脫當放出籠雪衣若喜躍狀須
臾朗吟曰憔悴秋翎似禿衿別來隴樹歲時深開籠

若放雪衣去嘗念南無觀世音后喜卽爲啓籠居數
日立化於玉球紐上后以紫檀作棺葬於後宮異苑
唐文宗以浮屠事無補大化欲盡去之會尚食厨烹
鷄卵方燃火忽聞鼎中有聲極微迫而聽之乃呼觀
世音菩薩也事與食蛤事頗類

吳興郡宗益嘗剖蚌得羅漢像偏袒右肩翹首左顧
以歸慈感寺

唐詢家烹鷄忽火光出釜中視之水面成五色有未
產鷄子黃化菩薩像睂目了然白化蓮華座
潁川王戶部一日宴客庖人剖鼈有鬼判各一朱髮

藍面左執筆右執簿種種具足

李太宰生平持不殺戒偶過客容爲殺鷺公不憚曰我固不食何爲殺之有頃其鷺翎從地飛起結成蓮花現於前久之始散

遂昌民宋甲剖一鼈中有比丘端坐握摩尼珠衫履斬然

溧水俞集舟行淮上見蚌蛤必買放之一日買蛤倍價不售置釜中忽光起一大蚌裂開見觀音像旁有兩竹相對衣冠瓔珞竹葉枝幹皆真珠綴成舟人誦佛悔罪

宣室志云當塗民劉成鬻魚蟹天暮泊舟四無人跡忽聞舫中有連呼佛號者見一大魚自舫中振鬣搖首而呼其聲甚厲劉毛盡墜匿身蘆中伺之俄而萬魚俱跳躍呼佛佛聲動地大懼悉投魚於江中

恩州民張氏以屠牛致富一牛臨命跪若有請張竟殺之取其肝忽水珠迸出色如水銀而圓大小不等及烹肉刀不能割皆有圓珠胃臟盡然始知爲舍利也張卽日棄業作一塔葬之

崇寧中衛州獲嘉縣民職氏屠猪祭賽有劉氏獵犬銜其棄骨四日不食劉使其子析骨視之有如來像

髻珠如粟瞑目跣趺腫子隱然莊嚴畢具晁无咎作贊述之

政和丁酉真州近村富人羣犬爭銜一牛脛骨衆異而破之血凝如玉成菩薩形衣紋瓔珞相好竒特雖雕琢不及

杜子美觀打魚詩有云蒼江漁子清晨集設網提綱萬魚急能者操舟疾若風撐突波濤挺叉入小魚脫漏不可紀半死半生猶戢戢大魚傷損皆垂頭倔強泥沙有時立東津觀魚已再來主人罷贖還傾杯日暮蛟龍改窟穴山根鱣鮪隨雲雷干戈兵革鬪未已

鳳凰麒麟安在哉吾徒胡爲縱此樂暴殄天物聖所哀

王荆公放魚詩云捉魚淺水中置之最深處當暑脫煎熬條然泳而去豈無良庖者可使供七箸物我皆畏苦捨之寧啖茹

陸放翁嘗詠戒殺詩云物生天地間同此一大虛林林各自植但坐形骸拘日夜相殘殺曾不置斯須皮毛備裘褐膏血資其腴鷄鶩羊彘輩尚食稗與芻飛潛何預汝禍乃及禽魚豺虎之害人亦爲饑所驅汝顧不自省何暇議彼歟又于人類中各私六尺軀方

撰述
其忿怒時流血視若無我欲及其源默觀受氣初挺
亦之所加慘若在我膚朝飯一脯豆暮飯一盃蔬捫
腹茆簷下陶然歡有餘又云郊居去市遠猪羊稀入
饌既畜鷄鶩羣復利魚蟹賤暴殄非所安擊鮮况親
見那得屠殺業爲客美殺饕餘年尚有幾過日如露
電豈無園中蔬敬奉君子宴

梁世有人常以鷄卵白和沐云使髮光每沐輒破二
三十枚臨死髮中聞啾啾數千鷄雛聲
獵戶某見一鹿盡力射殺之就視乃其子也大驚悔
成疾尋死

江陵劉氏以賣鰓爲業後生一兒頭是鰓自頸以下
方爲人耳

王克爲永嘉郡守有人餉羊集賓欲讓而羊繩解來
投一客先跪兩拜便入衣中此客竟不救請須臾宰
羊爲炙先行至客一嚮入口便爾叫呼大作羊鳴而
死

梁孝元在江州時望蔡令某經亂解焚寄寺住民將
牛酒作禮係牛剎柱設座接賓牛忽觸堦拜令大咲
命左右殺之醉飽卧簷下醒覺體癢搔成隱疹因癩
十許年死

楊思達爲西陽郡守值侯景亂時復旱饑民盜麥思
達遣一部曲視盜者輒截手腕凡戮十餘人後部曲
生一男自然無手

齊有一奉朝請家甚豪侈非手殺牛噉之不美年三
十許病篤見牛來舉體如被刀刺叫呼而死

江陵高偉隨顏之推入齊凡數年向幽州淀中捕魚
後病每見羣魚齧之而死

蔡京喜食鶉預籠畜而烹之嘗夢鶉數千訴於前其
一致詞曰食君廩中粟充君箸下肉一羨數百命生
死猶轉轂看君壽千春禍福相倚伏京甚畏之尋死

陳元植嘗飼烏夜夢緋衣人謂曰爾壽甚促因濟活
生命以此延長後果百歲無疾而逝

李景文嘗買魚放生後因餌丹砂中毒疽發於背醫
不能療偶瞑目覺羣魚濡沫其背快然清涼疾遂得
愈

蘓子瞻知杭州於西湖立放生會後人因之

會稽陶石貫居士參散木老人力窮向上嘗作放生
辨惑篇以貽世

餘杭嚴忍公居士早年學道不耽世榮工書法作詩
文廣迪吉錄規誨羣倫創放生社於西溪河渚歲時

不絕

朔法師云鯊魚一首十身何羅魚亦一首十身音如吠犬又芘魚如鮒一首十身臭如麝蕪魚雖濕生頗極怪異丹洛二水產人魚四足音如嬰兒諸懷之水產鮪魚身犬首音如嬰兒鮪魚似鮎四足聲似小兒能致風雨磁州出孩兒魚四足長尾聲如嬰兒東海有美人魚長六七尺美如婦人脣目口鼻手爪無不具足肉白如玉五色輕軟髮如馬尾陰形與丈夫女子無異橫公魚長七八大狀如鯉魚而赤晝在水中夜化爲人奔鰻魚一名瀾非魚非蛟大如船長三

四丈兩乳在腹下青丘之山出赤鱗其狀如魚而人面其音如鴛鴦海外有氏人國其人人面魚身而無足魚之與人相去曾幾畧師漁人習而殺之可嘆也嘉祐末有人携一巨魚入京師能人言號曰海多人爭觀之嘗召至禁中賞賚盈積後至李氏園躍入池不可復獲

晉時江夏張聘所乘牛忽人言大亦人言唐光啓元年河東有牛人言宋乾道初虎

丘之雀人言荆南之虎人言盧傳素家馬人言夢澤之鹿人言南唐苑中鹿亦人言于闐野豕人言滎澤土人豨亦人言嚴遵美家猶犬相對人言鄴陽龔紀貓人立而言羅舍之鷄能人言西周之犬能人言鄭宏之犬黃振能人言華表之鶴人言王周南家鼠能人言路岩家馬忽作人言東都龍門寺蜂作人言南州白鶴作人言固知

人與衆生異形同體

黃帝遊維水見大魚雨七日魚流而得圖書帝與天
老迎之至翠瀉之泉有鱸魚泝流而至蘭葉朱文五
色畢見沉白圖以授帝蓋河圖雜書也禹觀於河見
白面長人魚身出曰吾河精也授禹河圖而還於淵
湯觀維有黃魚化爲黑玉武王渡孟津白魚躍舟腹
下有赤文成字魚者龍之屬也魚可食乎

姚江徐侍御舟中鰲作人言或命放之庖人不聽就
烹剖中有帶甲人騎馬似天神狀庖人大驚仆悔無
及矣

